

四庫全書

子部

欽定四庫全書

古今姓氏書辨證卷二十三 宋 鄧名世 撰

七尾

尾

元和姓纂曰古有尾生或云即微生高誤矣謹按微生別一氏尾亦一氏也後漢太尉劉虞為公孫瓚所殺虞故吏尾敦劫虞首歸葬注曰尾敦姓名

偉

謹按後漢蔡邕傳曰光祿勳偉璋有名龔濁注曰偉姓璋名也漢有姓偉舊姓書未有此氏今增入

尾勺

周成王分魯公以商民六族一曰尾勺氏

八語

圉

出自周禮夏官圉師掌養馬者後世以官為氏左傳楚大夫圉公陽以邑為氏

# 呂

出自姜姓炎帝裔孫為諸侯號共工氏伏羲神農之  
間能霸九州有地在弘農從孫伯夷佐堯掌禮為秩  
宗徧掌四嶽為諸侯伯號太嶽又佐禹治水有功賜  
姓曰姜氏曰有呂封為呂侯呂者脅也言能為禹股  
肱心膂以養物豐民人也呂侯國在蔡州新蔡歷夏  
商世祀不絕周穆王時呂侯入為司寇訓夏贖刑作  
呂刑之書宣王時改呂為甫後為強國所并當商季

世有呂尚字牙號太公望蓋呂侯枝孫起漁釣佐周  
文王為武王太師定天下有大功封為齊侯命書曰  
五侯九伯汝實征之以夾輔周室太公望生丁公呂  
伋伋裔孫莊公生僖公祿父及夷仲年年生公孫無  
知僖公生襄公諸兒公子糾桓公小白無知殺襄公  
小白自莒入立為君用管仲為相九合諸侯不以兵  
車天子賜之胙遂霸諸侯其後世系具春秋戰國策  
嫡夫人三人皆無子內嬖長衛姬生公子無虧諡武

孟鄭姬生孝公昭葛嬴生昭公潘密姬生懿公商人  
少衛姬生惠公元宋華子生公子雍又庶子七人為  
楚七大夫史失其名桓公薨孝昭懿惠四公繼立昭  
公生舍惠公生頃公無野舍母魯女曰子叔姬無野  
母曰蕭同叔子頃公生靈公環及公子角公子成靈  
公夫人顏懿姬之姪駸聲姬生莊公光戎姬生公子  
牙穆孟姬生景公杵臼莊公薨景公立景公生悼公  
陽生晏孺子荼公子嘉公子駒公子黔公子鉏一曰

南郭且於景公薨立荼國人納陽生而出荼陽生生  
簡公壬為陳常所弑簡公後四世康公貸大臣田和  
遷之於海濱盡取其國春秋時齊諸公子以名見者  
有東宮得臣公子彭生仲孫湫公子彊公子鉏公孫  
敖叔孫還公孫明公孫皙公孫僂頃公二子曰公子  
固字子城公子鑄字子公又二孫曰公孫捷字子車  
公孫青字子石又子商子周公孫夏公孫揮皆呂氏  
也康公七世孫禮秦昭襄王十九年自齊奔秦為柱

國少宰北平侯二子伯昌仲景伯昌生青以令尹從  
漢高祖封陽信侯謚胡青生臣上柱國唐隨州刺史  
仁宗即其後也秦丞相文信侯不韋陽翟人漢高后  
父臨泗侯呂公單父人二子澤周呂令武侯釋之建  
平康侯澤二子台呂王產梁王台四子嘉東平侯通  
燕王卮東平侯平下邳侯釋之三子則建平侯種不其  
侯祿趙王其族中微至尚書令霸居東萊為東萊呂  
氏霸十一世孫虔字子路魏徐州刺史萬年亭侯徙



居東平任城虔孫行鈞徙居河東行鈞後魏東平太

守六世孫雄

按唐世系表雄乃行鈞孫此作六世孫不合

生崇禮崇粹崇

粹唐兵部郎中生諲相肅宗諲生仁本春卿夏卿冬

卿仁本磁州司馬生璜琳璜生源儵皓琳生伸皓生

伯禽時中絳伸生覲綱紆綸紡績纓綜春卿尚衣奉

御

汝

汝與女同夏少后遺臣有女艾魯大夫女賈又馮異

傳有賊汝章據槐里自稱將軍又春秋時秦有不更女父

處

師古曰史記趙有處子

褚

出自子姓宋共公子段字子石食采於褚其德可師號曰褚師生公孫肥子孫因為褚氏漢時有褚大元成間有褚先生名少孫裔孫重始居河南陽翟重裔

孫招安東將軍揚州都督關內侯孫碧字武良晉安  
東將軍始徙丹陽五子願說洽裕祥願生翼字謀遠  
晉護軍將軍散騎常侍贈衛將軍生希豫章太守譜  
絕洽生裒字季野晉衛將軍中書令侍中錄尚書事  
征北大將軍贈太傅都鄉元穆侯所謂皮裏陽秋者  
二子歆熙歆字幼安散騎常侍祕書監生爽字宏茂  
晉義興太守贈金紫光祿大夫五子秀之粹之陟之  
裕之淡之秀之字長倩宋太常四子雋之湛之貞之

法顯雋之生淵澄淵字彥回齊司徒錄尚書事驃騎將軍侍中贈太宰諡文簡所謂洛水三公者淵二子賁慕賁字蔚先齊侍中生霽譜絕慕生向字景政梁廬陵長史生翔字世舉梁吏部尚書譜絕淵弟澄字彥道齊侍中右軍將軍譜絕法顯鄱陽太守二子炆炆字彥先召為國子博士不拜炆字彥緒齊散騎常侍贈太常三子游雲漢雲字士洋梁中書侍郎湘東王府諮議參軍雲二子濛隨濛太子舍人生玠

按唐

世系表漢梁中書侍郎生象象生玠玠字溫理陳御  
生亮此作灃生潒潒生玠與世系不合

史中丞生亮字希明唐左散騎常侍陽翟侯四子遂  
賢遂良遂功遂年遂良字登賢唐中書令河南文忠  
公相太宗高宗諫立武后天下謂之褚河南三子彥  
甫彥仲彥季彥甫生僑休休五世孫虔七世孫昭北  
燕有中書郎匡

許

出自炎帝裔孫伯夷之後周武王封其裔孫文叔於

許以為四嶽之嗣至許元公結為楚所滅遷於容城  
子孫分散以國為氏衛大夫許為一曰許公為是也  
其後自容城徙北新城縣都鄉樂善里秦末有許猗  
隱居不仕曾孫毗漢侍中太常生德字伯饒安定汝  
南太守因居平輿四子據政邈勁據大司農生允字  
士崇魏中領軍鎮北將軍三子殷動猛允孫式式二  
子毓字仲仁晉司徒掾四子茂詢嶷雅詢字元度四  
子元之仲之季之珪珪宋給事著作郎桂陽太守生

勇慧齊太子家令冗從僕射晉陵縣侯二子懋梁天

門太守中庶子生亨德次子政字義先別居邵陵亭

陳衛尉卿安陸許氏出自詢五世孫君明梁楚州刺

史法光生紹

按唐世系表君明生宏周宏周生法光與此世數不符

字嗣宗唐

陝州刺史安陸郡公四子善伯裔智仁圉師圉師相

高宗黃門侍郎同中書門下三品諡簡生自牧自遂

自正欽寂

按唐世系表紹四子長善善生力士力士生欽寂欽明此欽寂上應有脫字

生

右金吾大將軍輔乾即海東使者次曰宕州刺史輔

德欽明生鴻臚少卿誠惑太僕卿誠言以上為高陽  
許氏高陽北新城縣即唐博陵郡地也 汝南許氏  
漢許劭字子將與凡虔齊名汝南人稱平輿淵有二  
龍喜評人物謂之月旦評其後有因官居太原者皆  
著望後漢博士慎字叔重亦平輿人所謂五經無雙  
許叔重作字說今行於世其後有居會稽陽羨者  
晉陵許氏漢徐州刺史聖卿 安陵許氏漢有許博  
著大博經



巨

前秦苻堅將梁山巨武縛慕容暉

所

謹按後漢永初二年劇賊畢亮等數百乘船寇平原縣令劉雄與門下小史所輔浮舟追至厭次津與賊合戰並為賊擒輔求代雄死賊縱雄而殺輔人謂輔孝盡愛恭義極君臣唐高麗有大酋所夫孫近世所氏望出平原風俗通曰宋大夫華所事之後誤矣左

氏華御事為司寇非所事也姓源韻譜曰所說文曰  
伐木聲也詩曰伐木所所古虞衡之官主伐木聞聲  
遂以為氏亦誤矣今詩無此語所所之字得非許字  
訛其字畫乎

按穀梁傳隱九年使卒使者所使也  
詳此則華所事之先已宜有此氏

楚

出自晉趙孟家臣楚隆之後蓋其先以地若字為氏  
姓書皆以為芊姓楚國滅於秦而氏焉誤矣

莒

出自曹姓陸終之後周武王封茲輿期於莒是為莒  
子其國之子弟以國為氏莒僕莒展莒慶是也漢有  
緱氏令莒誦其後為平昌人左傳有齊大夫莒恒為  
申驅將

叙

出姓苑

冀

出姓苑

咀

出姓苑

姪

唐藝文志有姪威渾輿經一卷

褚師

事見褚氏褚師段字子石生公孫丁及石彊彊別為  
石氏而段後有褚師子肥其族仕衛者曰褚師定子  
生聲子褚師比及褚師圃褚師子申皆衛大夫

巨母

王莽時韓博上言有奇士長丈大十圍來至臣府曰  
欲擊匈奴自謂巨母霸輅車不能載三馬不能勝卧  
則枕鼓以鐵箸食博意以莽字巨君母得篡盜而霸  
也莽聞惡之以事誅博留霸新豐更其姓為巨母氏  
謂因文母太后而霸王符也

九虞

羽

出自姬姓鄭穆公之子揮字子羽其孫頤為馬師以  
王父字為氏

禹

萬姓即夏禹之後世代罕聞至漢世有從草從禹而曰萬  
章字子夏在長安西號曰城西萬子夏為京兆尹門  
下督從至殿中侍中諸侯貴人爭欲揖章莫與京兆  
言者疑此萬與禹姓同也又鄆子國在瑯琊其後以  
國為氏恐此鄆禹也與萬通用

字

出姓苑

栩

陳留先賢傳有栩氏又漢董賢傳有栩丹

郈

出自妘姓郈子之國其地瑯琊開陽縣是也魯昭十八年郈子藉稻邾人襲而滅之子孫仕宋以國為氏

甫

出自姜姓炎帝裔孫伯夷為堯太嶽封其後為甫侯  
子孫以國為氏

府

風俗通漢有司徒掾府悝

武

春秋魯隱公時王使武氏助伐翼其子來魯求賻漢

有武臣為趙王梁鄒孝侯臣生德

按史記功臣表梁鄒孝侯武儒生子

最襲侯至山附國除則最非武臣之後今此作  
臣生德德生最俱誤儒漢書作虎唐避諱作彪德生



東武亭侯最最生敬襄侯嬰嬰生中涓濟陰侯山附  
後以酎金國除山附生陳留太守內黃侯都都生汝南  
太守宣字文達宣二子尚浮浮字元海司徒左長史  
生臨漳令靜字伯濟靜生烈字文照烈生光祿勳薦  
字猗伯生太常中壘校尉悌悌生九江太守臨穎侯  
端端生魏侍中南昌侯周周三子陔韶茂陔字元夏  
晉左僕射薛定侯陔生太山太守嗣薛侯越越生威  
遠將軍嗣薛侯鋪鋪生太子洗馬嘏嘏生洛州長史

歸義侯念念生平北將軍五兵尚書晉陽公洽別封  
大陵縣賜田五十頃因居之生祭酒神龜神龜生本  
州大中正司徒越王長史襲壽陽公克己沛國武彪  
裔孫周魏南昌侯生陔晉左僕射薛侯五代孫洽魏  
晉陽公因始封居太原永水或號太原武氏洽曾孫  
居常北齊鎮遠將軍生儉永昌王諮議生華隋東都  
丞生士稜士讓士逸士獲士稜唐司農少卿宣城公  
生君雅君雅生敬真崇真太子洗馬士讓唐太廟令

路公生惟良懷道懷運惟良衛尉卿生攸宜攸緒攸  
宜雍州刺史都官尚書建王攸緒揚州長史隱嵩山  
神龍拜太子賓客巢公不起景雲封安平王亦不拜  
生君訥懷道左監門長史生攸暨攸寧寧春冬夏尚  
書納言建昌五江公岐州刺史生文瑛荀瑛攸暨駙  
馬司禮卿定王司徒楚公生崇敏崇行崇敏宗正卿  
上黨王崇行國子祭酒懷運淄州刺史生攸歸攸止  
攸望攸歸九江宗正卿孫良臣商州刺史攸止恒安

王司賓卿女玄宗惠妃追封貞順皇后攸止子昕忠  
信忠鴻臚卿信秘書監同攸止攸望會稽少府監察公  
孫徹洋州刺史士逸始州刺史陸公生志元仁範安  
業志元倉部郎中生懿宗嗣宗懿宗河內王殿中監  
汴魏州刺史神丘道大管公生瑾瓌仁範雲陽令生  
尚賓重規載德尚賓河間王益府長史重規高平王  
司禮卿神龍朔方大總管禮部尚書生成節成藝載  
德潁川王殿中監右千牛大將軍生平一敬一平一考

功員外郎生集備就登集梓州刺史備殿中御史中  
元衡門下侍郎平章事成都尹登生儒衡殿中御史  
思元一名安業零陵令追封渤海王生求己太僕少  
卿士黻唐工部尚書利荆二都督應國公卒贈司徒  
周公又贈太師追崇魏王配食高祖廟黻女為則天  
皇后生中睿宗黻子元慶元興元慶宗正少卿生審  
思再思三思審思追封申王再思宮門郎追封蔡王  
三思梁王夏春天三尚書內史神龍司空同三品降

德靜為節愍太子所殺生崇訓崇謙崇烈崇撫崇操  
崇訓駙馬太常卿太子賓客生繼植左衛將軍崇謙  
光祿卿梁公崇烈尚乘奉御元爽虞部郎中少府少  
監生承嗣魏王春天二尚書納言文昌左相實封一  
千三百一戶生延基駙馬右羽林將軍郟公延安光  
祿卿邗公延壽衛尉少卿燕公延秀駙馬太常少卿桓  
公承業陳王左驍衛大將軍生延暉駙馬陳公生羽  
林衛將軍生暉斌業次子延祚光祿少卿鄆公延嘉

秘書少監莒公又風俗通趙平原君勝封武成因氏  
馬

儻

出姓苑

輔

唐監察御史魏傳弓劾奏中人輔信義見竇懷忠傳

唐齊州臨濟人輔公祐為盜有傳

按唐書作  
輔公祐

柱

出自古烈山氏之子柱為稷神後世以為氏一云周柱下史之後

詡

出姓苑

豎

廟諱嫌名亦作豎寺人小臣之稱曹豎侯孺之類後世或以為氏

庚



古者倉氏庾氏之後子孫以世官為族漢有庾乘者

司徒辟有道徵不就二子疑遁

按姓纂亦作遁晉書作道

疑魏太

僕遁廉退不仕以諸子貴賜拜太中大夫遁二子某

史失其名

按晉書庾純傳劉琨議曰純兄峻以父老求歸峻不得歸純無得歸之理則純即遁

之子可知史未嘗失其名也

峻字山甫晉御史中丞侍中常侍三

子岷侍中長岑貞男琮太尉掾

按晉書庾峻二子岷琮無琮岷官至侍中

長岑男為劉元海所害諡曰貞

數晉吏部郎某二子衮琛衮四子由

茂澤梧茂生願安成太守琛五子亮懌冰條翼亮字

元規晉太尉文康公懌西中郎將贈衛將軍簡子冰  
字季堅晉車騎將軍贈司空忠成公條字幼序贈左  
將軍翼字稭恭晉征西將軍贈車騎將軍肅子亮三  
子會羲蘇會一作彬羲字羲叔晉吳國內史蘇晉中  
領軍羲二子準楷準一作淮豫州刺史西中郎將楷  
西中郎將準生悅字仲豫宋江州刺史楷生鴻蘇生  
恒字敬則尚書右僕射贈光祿大夫懌一子統晉建  
威將軍尋陽太守生玄之宣城內史冰七子希襲友

蘊倩邈柔希晉北中郎將徐兗二州刺史護軍將軍  
友晉中書郎東陽太守蘊晉廣州刺史倩太宰長史  
邈會稽王參軍柔晉散騎常侍希生攸之友生叔宣  
右衛將軍蘊生廓東陽太守二子登之宋豫章太守  
仲文宋吏部尚書登之生仲遠宋侍中仲文生宏遠  
齊江州長史宏遠生曜冰玄孫道愍齊射聲校尉翼  
二子方之代父守襄陽者爰之輔國將軍弘遠從弟  
徽之御史中丞二子漪泳冰五世孫佩玉宋長沙內

史生沙彌梁長城令沙彌生持梁尚書左戶郎又族	人輝安北長史生東吳國內史東生闡吳國內史闡	生肅之湘東太守蜀人庾氏唐同州刺史崇生樸	前蜀禮部尚書其族子四人傳美後唐都官郎中傳	昌前蜀翰林學士傳素左僕射傳信翰林學士	耦
----------------------	----------------------	---------------------	----------------------	--------------------	---

元和姓纂曰詩曰耦維師氏寵臣之族也後氏焉

主

宋政和中禁天下不得稱主及君乃改為康氏

宇文

出自匈奴南單于裔有葛烏菟為鮮卑君長世襲大  
人至普回因獵得玉璽自以為天授也俗謂天子為  
宇文因號宇文氏或云神農氏為黃帝所滅子孫遁  
居北方鮮卑俗呼草為侯汾以神農有嘗草功因自  
號侯汾氏其後音訛遂為宇文普回子莫那自陰山  
徙居遼西至後周追諡曰獻侯生可地汗號莫何單

于闐地西出玉門東踰遼水孫普撥生丘不勤丘不

勤生莫珪莫珪生遜昵延遜昵延生俟逗歸

按北周書作侯

豆歸唐世系表作佚豆歸

自稱大單于為慕容晃所滅生六子一

曰拔拔陵陵二曰拔拔瓌三曰紇闡四曰目原五曰

紇闡侯直六曰目陳拔拔陵陵號阿若彥仕後魏都

牧主開府儀同三司安定忠侯以豪傑徙居代州武

川

羽弗

孔至曰後魏改為弗氏

武城

出自楚大夫食邑武城因以為氏謹按春秋有二武城魯武城曰南武城曾參家也則楚邑宜曰北武城矣

武羅

元和姓纂曰夏武羅國之後謹按夏遺臣武羅必其後為氏

武都

西秦錄有武都氏謹按武都者仇池之別名今成州是也其先以地為氏

甫與

世本曰宋有大夫甫與文叔

豎侯

元和姓纂曰宋有大夫豎侯息曹有豎侯孺息未詳所出謹按豎侯孺之說誤矣春秋曹伯之豎侯孺貸



筮史乃曹之小臣姓侯名孺行賂於卜者非複姓也  
主父

元和姓纂曰趙武靈王主父之後子孫以為氏漢有  
主父偃宋開封人將仕郎宗旦生天經天經生主簿  
齊賢齊賢生詰字穎叔政和五年上舍



欽定四庫全書

子部

古今姓氏書辨證卷二十四

詳校官中書臣沈鳳輝

侍讀臣孫球覆勘

騰錄監生臣朱起鳳

騰錄監生臣陳遂

欽定四庫全書

古今姓氏書辨證卷二十四

宋

鄧名世撰

十姥

姥

姓苑曰姥氏亦作媽

杜

杜伯為宣王太夫無罪被殺因失其國子孫居杜城者為杜氏而仕晉晉太子申生之傅曰原欵韓厥之

御曰溷羅平公之宰夫曰蕢其族在秦者曰回在魯者曰橋曰洩回以力聞橋以母喪宮中無相得名所謂杜氏之葬在季武子寢西階下者是也洩事叔孫氏忠於其君避季平子難奔楚生大夫綽綽生段段生赫為秦大將軍食采南陽衍邑世稱為杜衍赫少子秉上黨太守生南陽太守札宋中書舍人晁以道說之解書雲土云土古杜字也詩桑土是也土氏之先曰陶唐氏御龍氏承韋氏其後為唐杜氏有土為

土穀土會土勾土燮土鞅土吉射土富士魴皆唐杜氏也或作士氏誤也士員士弱士文伯士景伯是士氏西京雜記杜陵杜夫子善碁為天下第一自言精其理者足以大裨聖教即徙家者也孝宣帝布衣時游諸陵往來鄠杜間至隋唐都京兆杜氏韋氏皆以衣冠名位顯故當時語曰城南韋杜去天尺五二家各名其鄉謂之杜曲韋曲自漢至唐未嘗不為大族周字長孺三子延壽西河太守延考河東太守延年

字幼公御史大夫建平敬侯七子緩繼純熊紹緒綱  
緩字元仁雁門太守二子業彰熊字少卿荊州刺史  
生穰字子饒後漢諫議大夫二子敦篤敦字忠信西  
河太守生邦字召伯中散大夫三子賓宏繁賓字叔  
達舉有道不就二子翕崇翕字伯括太子少傅生畿  
字伯侯魏太僕卿豐樂戴侯三子恕履寬恕字伯務  
御史大夫幽州刺史生預字元凱晉荊州益州寧州  
刺史征南大將軍荆南大都督長史駙馬都尉開府

儀同三司當陽侯尚宣祖長公主有平吳大功注春  
秋左氏傳行於世自號左傳癖宋尊崇祀典厯代賢  
臣唯預從祀文宣武成王二廟古今無與為此預四  
子錫耽躋尹錫字世嘏尚書左丞曾孫慙二子楚秀  
秀二子果皎京兆杜氏漢建平侯延年二十世孫  
文瑤與義興公果同房文瑤隋浚州刺史生元道左  
千牛元道生含章定州司法叅軍含章二子綰繹繹  
秀容令生孟寅亞麟平亞字少公檢校禮部尚書綰

京兆司錄叅軍生黃裳黃中黃裳字遵素相憲宗黃  
中峽州刺史黃裳二子勝載勝字斌卿天平節度使  
兼揚州租庸使遂家廣陵生庭堅字輔堯衛州刺史  
庭堅生審彤審彤二子昌業繼元襄陽杜氏出自  
當陽侯預幼子尹字世甫晉弘農太守二子緄弼弼  
字君佐魏治書侍御史緄字宏固奉朝請一子襲字  
祖似上洛太守二子標冲標字文湛中書侍郎池陽  
侯冲字方進襲池陽侯生洪泰字道廓南徐州刺史



襲池陽侯三子祖悅顯祖字紹先員外散騎常侍悅  
字望之上柱國吏部尚書顯字思顏後周侍中驃騎  
大將軍雍州刺史安平公贈太尉六子景懋字公瑾  
常州刺史景仲字世則鄜州刺史當陽侯勝字景驤  
濟州刺史景峻湖州刺史景恭字慶之後周驃騎大  
將軍慶成公景秀字彥之後周渭州刺史思寧公二  
子懿遜懿隋殿內監甘棠公生乾播乾祐乾祚依藝  
依藝監察御史鞏令生審言膳部員外郎修文館學

士生開奉天令開生甫字子美左拾遺檢校工部員

外郎劔南西川節度叅謀二子宗武嗣業

宋元稹杜甫墓誌及

唐書本傳甫一子宗武宗武子嗣業此悞

遜柏人令生淹本縣中正三子

行簡行則行敏行敏荆益二州都督府長史南陽襄

公二子崇憲崇慤崇慤左司員外郎麗正殿學士二

子希夷越州別駕希望河西隴右節度八子信太子

賓客位考功郎中湖州刺史召詹事司直金城丞任

河南府兵曹叅軍儒武進簿佑字君鄉相德順憲三

宗供洪州長史佑三子師損式方從郁師損工部郎

中司農少卿二子德之宗之宗之字有宗信州刺史

生羔

案唐世系表羔生宗之與此不合

潤州延陵令避亂徙居黃巖

式方字考元桂管觀察使五子憚富平尉懋興平尉

惊字永裕相武宗懿宗贈太師幽國公恂失其官恂

泗州刺史惊生喬休述休儒休從郁生牧顓顓字勝

之生無逸 洹水杜氏出自戴侯恕少子寬字務敏

孝廉郎中曾孫曼石趙從事中郎河東太守初居鄴

葬父洹水復亦徙居焉五世孫君賜生景宣明景生  
子裕字慶延隋樂陵令五子正元正藏正倫正儀正  
德正倫相高宗正藏隋行軍長史生志靜出繼正倫  
後為安福令嗣襄陽公生僑懷州刺史僑生咸涼州  
都督損大理少卿損四子存介廩戡廩生曾興兼羔  
曾左金吾兵曹參軍興太學博士兼河南尹羔刑部  
郎中二子中立思立中立義武軍節度使 濮陽杜  
氏出自秦大將軍赫生威世居濮陽裔孫謨後魏濮

陽太守因家焉謨生亮後魏陳留太守亮生伽北齊  
交州刺史廣陵公伽生保隋雁門太守二子義博義  
寬義寬唐滕王府諮議蘇州司馬三子無忝慎行承  
志慎行荆益二州長史建平侯生鵬舉位宰相安州  
都督三子靈瑤鳳舉鴻漸鴻漸字之巽相代宗二子  
收威封鼎承志天官員外郎生暹相明皇暹生孝友  
殿中監給事中南朝有杜岸杜崩杜幼安兄弟三人  
皆有傳又杜僧明稜循吏杜驥杜慧慶文學杜之偉

亦有傳後魏有杜銓北齊杜弼及子臺卿後周有杜  
果有杜彥杜超節義則杜叔毗杜松贊循吏則杜纂  
皆有傳後蜀李匡長史杜淑後涼呂光部將杜進殿  
中監杜尚後燕慕容熙起承華殿典軍杜靜載棺詣  
闕上書極諫熙怒斬之南燕平原令杜雄

魯

出自姬姓周公子伯禽所封傳國三十四世至魯頃  
公滅於楚遷於下邑子孫以國為氏世吏二千石漢

哀平間自魯徙扶風平陵漢魯匡為王莽羲和生武陵太守某某生恭字仲康漢司徒生謙隴西太守謙子旭太僕恭弟丕字叔陵為侍中所謂五經復興魏荊州刺史芝自平陵徙郿縣南燕有尚書魯邃

古

出自姬姓周太王亶父避狄人之難去國於岐山下自號古公後氏焉漢有京兆古生為都掾史四十餘年善詆慢二千石隨以諧謔趙廣漢黜之京師以

古掾曹為俳戲後漢東平憲王從王古霸長沙孝子  
古初唐高宗時部將古神威宋朝嶺外人古成之及  
進士第為綿竹令嘗遇異人授道

伍

伍氏出自春秋時楚莊王嬖人伍參以賢智升為大  
夫生舉食邑於椒謂之椒舉其子曰椒鳴伍奢椒鳴  
得父邑而奢以連尹為太子建太傅費無極譖之王  
逐太子而殺伍奢及其子棠君尚尚弟員字子胥奔



吳事闔廬為卿破楚入郢以報父讐言吳夫差時忠諫  
不見聽屬子於齊為王孫氏

五

謹案史傳伍奢父子皆作五則伍五通用陳涉傳有  
銍人五逢

仵

音午

姓苑曰襄陽多此姓晉有仵戎謹案唐忠義傳薛舉  
遣其將仵士政招降者劉鋹有賀州守將仵彥柔

虎

出自高辛氏子八元伯虎之後子華子虎以字為氏  
風俗通有合浦太守虎旗

琥

黃帝之後

鄔

出自晉大夫司馬彌牟帥師平周亂納恭王有功食  
采於鄔為大夫其地太原鄔縣是也子孫以邑為氏

又昭二十七年晉祁勝與鄔臧通室即鄔是也近世  
望出南昌宋撫州崇仁鄔氏延伯生綬綬生思思生  
執權字少達左宣教郎湖廣京西江西總領司幹辦  
公事

苦

莊子有南方之墨者苦獲

浦

元和姓纂曰晉起居注有尚書令浦詳或曰浦選

圃

見姓苑

五鹿

晉文公封舅犯於五鹿因氏焉漢有五鹿充宗風俗  
通曰氏於官者三烏五鹿

五王

東莞五王氏史記云自齊威王至王建為五王建虜  
於秦子孫別以五王為氏

五鳩

少昊氏以五鳩為鳩民之官鳩集也其後以官為氏  
後趙有將軍五鳩盧

五里

出姓苑

伍相

吳相伍員子孫吳人號之伍相之後事見元和姓纂

伍參

世本曰伍參之後楚昭王時有伍參蹇

古孫

元和姓纂賈孫氏後訛為古孫氏音亦訛變

古龍

唐南蠻扶南國王姓古龍氏

吐火

河南官氏志後魏代北人姓

吐萬

代北人姓

吐賀

後魏有吐賀真

吐羅

或作叱羅後魏官氏志吐羅氏改為羅氏南陽有叱

羅協

吐門

或作叱門後魏官氏志改為門氏

吐難

後魏官氏志吐難氏改為山氏

吐缶

後魏官氏志改為祝氏望出河南

吐渾

與吐谷渾獨孤渾渴足渾四氏並見補遺

魯步

西羌有魯步氏



虎夷

出姓苑

普屯

後魏太祖賜辛威姓普屯氏

補祿

英賢傳云晉惠帝時殿中中郎將補祿廷

吐谷渾

或作吐渾出自慕容廆庶兄吐谷渾後將所部居西

零之西甘松之南極乎白蘭數千里其孫葉延曰禮  
云孫子得以王父字為氏遂為吐谷渾氏

普陋茹

代北人姓後改為河南茹氏

古口引

後魏虜姓

戶盧提

唐吐蕃列傳德宗即位遣使韋倫歸蕃俘是時乞立

贊為贊普姓戶盧提氏謂倫曰我乃有三恨云

扈地干

後魏官氏志扈地干氏改為河南扈氏

十一薺

郚

風俗通漢上郡太守郚杜北齊酷吏行臺僕射郚珍  
字安寶中山曲陽人後徙洛陽隋吏部主事郚懷道  
諫煬帝幸江都

米

西域米國胡人入中國者因以為姓唐藝文志有米  
遂明堂論一篇又回紇僕固部有米懷玉為達干又  
有供奉歌者米嘉榮及其子米和郎五代有沙陀部  
人米至誠吳節度使今望出隴西高平

啓

音啟

出姓苑

十二蟹

解

謹案左傳晉郇瑕之地沃饒而近監即河東解邑今之解州也晉解狐後有解梁不受楚賂以死致君命

於宋

案左傳宣公十五年楚子圍宋傳晉使解揚如宋此云解梁與傳不合

解張字張

侯為郤克御破齊師有功皆為名大夫姓纂討論此氏最詳明可據今從之唐百濟國大臣八姓一曰解氏又巴西解思明為後蜀李壽征東長史壽僭立用為謀主後坐勸立漢王廣為太弟所誅

米禽

唐党項以姓別部有米禽氏事見去聲六至利氏

十三駭

楷

出姓苑

十四賄

隗

元和姓纂曰春秋時翟國隗姓子孫氏焉後漢隗囂

望出天水成紀隗紹望出汝陰此說有據今從之謹  
案春秋時狄人伐虜咎如獲其二女叔隗季隗晉公  
子重耳娶季隗以叔隗妻趙衰又周襄王以狄伐鄭  
王德狄人立女隗氏為后則隗亦赤狄之姓當時見  
於經傳者凡五種曰東山臯落氏曰虜咎如曰甲氏  
曰潞氏曰留吁鐸辰皆赤狄隗姓唯甲潞臯落別以  
其部為氏餘二者有號無氏則隗之為姓舊矣姓源  
韻譜曰天水成紀隗氏出自大隗之後此誤也莊子

言黃帝見大隗于具茨之山蓋寓言非有是人不可  
以為據西涼折衝司馬隗仁與乞伏熾磐力戰五年  
乃得還姑臧沮渠蒙遜執其手曰卿孤之蘇武也以  
為高昌太守

十五海

宰

後漢有西部都尉宰鼂後漢弘農人宰宣上言封大  
將軍妻為邑君以媚梁冀



亥  
音海

孟子有亥唐晉平公時人 河南亥氏後魏官氏志

俟亥氏改焉

宰氏

元和姓纂曰范蠡傳云陶朱公師計然姓宰氏字文  
子葵丘濮上人今詳此必單姓而姓纂誤指為複姓

也  
案計然宰氏元和姓纂誤以為宰且又指為複姓舛謬甚矣辨證蓋因其譌也

十六軫

軫真上聲

姓苑云出自軒轅氏造車車後用橫木為軫因賜姓軫氏元和姓纂曰春秋貳軫國後為氏廣韻曰今吳縣有之

閔

周大夫閔子馬字馮父生損字子騫為孔子弟子後漢司徒掾閔仲叔子孫居太原南朝齊梁間何昌寓為吏部尚書嘗有一客姓閔求官昌寓謂曰君是誰

後答曰子騫後昌寓團扇掩口而笑謂坐客曰遙遙  
華胄前秦苻堅將閔亮北燕太史令閔尚

菌

出姓苑



欽定四庫全書

古今姓氏書辨證卷二十五 宋 鄧名世 撰

十七準

尹

周宣王時尹吉甫為天子三公東遷之後世掌其職尹武公尹文公尹言多尹固尹辛尹圉皆為卿大夫故詩言尹氏太師惟周之氏春秋亦書尹氏卒尹氏立王子朝以譏世卿漢功臣表有城父侯

尹恢傳國三世後漢中郎將尹就壽春刺史尹耀  
福祿長尹嘉欲解印綬與復父讐女趙娥俱亡

牂牁大姓尹氏公孫述時保境為漢遣使奉貢光  
武賞之又母斂縣人尹珍字道真自以生荒裔從  
許慎應奉受經書還鄉教授官至荊州刺史後秦  
天水尹氏緯字景亮仕姚興官至尚書左僕射號  
名臣贈司徒清河忠成侯又西州大族尹赤以佐  
命功為姚萇大將軍左長史又有大將軍參軍尹

延年別部帥尹嵩京兆尹尹昭大將軍尹元寧朔將  
軍弘農太守尹雅又尹敞守杏城為赫連勃勃  
所執後蜀驃騎大將軍右丞相尹奉後涼丘池令  
尹興苻堅將尹國唐有御史大夫尹思正亦天水  
人

允

謹按春秋周王使詹威伯辭於晉曰先王居櫛扚于  
四裔故允姓之戎居于瓜州杜預曰允姓陰戎陸渾

之祖與三苗居於三危者然則允姓宜出於三苗元和姓纂曰允格之後允格金天氏之裔未知與三苗為親疎也

尹文

齊定王時有尹文先生即考成子從之學幻者漢藝文志名家有尹文子說齊宣王時事在公孫龍前劉向云與宋鉏俱游稷下者

尹公



衛大夫尹公佗之後

十九隱

隱

吳志廷尉監隱蕃自云魯隱公之後以謚為氏蕃青州人逃奔吳欲為亂事覺被誅又河間中尉隱哀北海人

二十阮

阮

後漢巴吾令阮敦生瑀字元瑜漢司空祭酒二子熙  
武都太守籍字嗣宗晉步兵校尉熙生咸字仲容晉  
散騎郎始平太守二子瞻字千里晉太子舍人孚字  
遙集晉丹陽尹鎮南將軍廣州刺史孚從孫廣籍生  
渾字長成晉太子庶子渾生深籍從祖湛生武字文  
業魏清河太守籍從祖畧齊國內史生覲汝南太守  
二子放字思度晉交州刺史贈廷尉裕字思廣晉金  
紫光祿大夫東陽太守放生晞之南頓太守裕三子

僖	氏	字德如與嵇康友善位至河內太守皆望出陳留尉	德猷平原侯相漢侍中胥卿八世孫共字伯彥子侃	普生長之宋中書郎族人修字宣子太子洗馬种字	中領軍歆之生彌之寧二子腆祕書監萬齡郡從事	傭州主簿寧都陽太尉普驃騎咨議參軍傭生歆之
出自顯帝裔孫女修生大業大業孫曰臯陶字庭堅						

為舜大士明五刑有功賜姓偃氏封於河東為諸侯  
貳軫州絞蓼六羣舒皆其後也春秋時楚盡滅偃姓  
之國遂絕其後吳有大夫偃州員王莽時有偃宗

偃

音偃

後漢孝莊帝母偃氏諱明史記曰偃姓皋陶之後按  
此則偃姓後世或去人為偃

寒

音寒

其偃切邵氏姓解音愆未知何據

園

卷音

琅邪園氏風俗傳云因避仇改為卷焉仍音求晚切

苑

音於阮切漢太山太守康字仲真渤海重合人見黨  
錮傳唐人家譜云商武丁孫受封於苑因氏焉或音  
怨非也楚莊王以常侍苑廩為上卿芮國公苑君璋  
居馬邑生孝政其曰宛春之後者誤矣

宛

春秋左傳楚大夫宛春晉大夫宛沒齊大夫宛茂鄭大夫宛射犬字公孫未知孰為先後其字或音平聲後漢有下邳太守宛暹吳有吳興太守宛方

晚

漢藝文志雜家有子晚子三十五篇齊人好議兵與司馬法相似姓書未有此氏今增入

偃師

元和姓纂曰出自媯姓陳悼太子偃師為公子招所

殺裔孫以王父字為氏或曰周人食邑偃師氏焉今  
河南偃師即其地也

卷子

世本衛文公後卷子子州氏焉

二十三旱

散上  
聲

周文王大臣散宜生之後或為散氏姓書以為宜生

姓散誤矣

罕

出自姬姓鄭穆公之子曰公子喜字子罕其孫以王父字為氏子罕生公孫舍之字子展子展生罕虎字子皮及其弟罕魍子皮生嬰齊字子囂生罕達字子姚一曰武子賸子展弟曰公孫鉏字罕朔又晉獻公時有大夫罕夷不知其得氏之始

散宜

古今人表帝堯妃女皇散宜氏女也後有散宜生為



周文王臣佐武王定天下

罕夷

元和姓纂曰晉大夫罕夷之後誤矣謹按罕氏名夷子孫何至兼其祖之姓名以為複姓況後世未嘗有罕夷氏則姓纂援據誤矣竊意元和中置局討論容有諸儒臆說聚於其中而當時官長見簡牘繁穰不暇一一刊正謹一洗之無使後世轉失其真而姓氏訖無全書也

罕升

虜姓

二十四緩

緩

魏官氏志有如稽氏後改為緩氏如稽一作緩稽

曩

音院唐時荊州多有此姓也

皖

姓解曰音緩

琯

音管

出纂文要

滿

魏有滿寵為揚州刺史生太尉翼翼生奮字武秋晉  
尚書令世為山陽昌邑人墓在濟州金鄉分為二族  
曰南滿北滿云

二十五潛

阪上

元和姓纂曰上黨屯留人其先居阪上因氏焉晉惠  
帝時有殿中將軍阪上囂

二十六座

簡

元和姓纂曰晉大夫狐鞠居食采續邑號為簡伯誤  
矣師父鞠居皆春秋時人而師父在前已為簡氏

二十七銑

銑

出姓苑

扁

姓解曰音卞莊子有扁子為孫休師

二十八獮

衍

出姓苑

展

出自姬姓魯孝公之子字子展其後有夷伯夷伯孫  
無駭為魯司空隱公命以王父字為展氏

遣

出姓苑

蹇

九輦切宋成都雙流蹇氏周輔字礪翁歷度支副使  
寶文閣待制戶部侍郎知開封府中書舍人刑部侍郎  
終朝請大夫知廬州為人深文刻核喜言利故老

云嘗改鹽法病民東南大窮幾至於亂有傳二子逢  
辰屯田員外郎序辰亦為三司副使 懷安金水蹇  
氏翔生逢逢生綬官朝奉郎綬生汝明紹興四年進士

單

出自姬姓周成王封少子臻于單邑為畿內諸侯因  
氏焉春秋時有單伯曰襄公頃公獻公成公穆公武  
公平公皆為天子卿士裔孫莊後漢濟陰太守因家  
焉會稽太守長沙侯熙又徙山陽宋德安單氏惠連

生熙及煦煦字孟陽犯廟諱以字稱光祿卿有傳又  
駕部員外郎從化孟陽生澗朝議大夫澗生孝擇宣  
和六年進士

辯

出姓苑

雋

案後漢馬援征五溪蠻軍次下雋有壺頭與充兩道  
可入注曰下雋縣名屬長沙縣故城今辰州沅陵縣



雋音字充反詳此即或有上雋下雋二邑不疑之先  
以邑為氏

免

出自衛卿免餘之後以王父字為氏

蛎

已見下平聲一先廣韻收入此韻今兩存之

勉

出姓苑

案廣韻無此字海篇免字  
通作勉音免今附入獮韻

鵠

出姓苑

輶遲

後魏官氏志輶遲氏後改為展氏

二十九篠

繳

神宗朱墨本第六十三卷三月戊午以左班殿直繳  
順為東頭供奉官

蓼

蓼出自偃姓皋陶庭堅之後封國於蓼楚滅蓼子孫以國為氏

烏洛

元和姓纂曰伯益仕堯有養鳥獸之功賜姓烏洛氏  
支孫又以路洛為氏史記曰大費子太廉為烏洛氏  
俗誤作洛

三十小

庫

與肇同亦作兆戰國策趙將軍庫賈之後

趙

趙氏本與秦同祖出自顓帝高陽氏裔孫曰女修女  
修織玄鳥墮卵女修吞之生子大業大業娶少典之  
子曰女華女華生大費與禹平水土功已成帝錫玄  
圭禹受命曰非我能成亦大費為之輔于是帝舜曰  
咨爾費贊禹功其賜爾皂旂爾後嗣將大出迺妻之

姚姓之玉女大費拜受佐舜調馴鳥獸多馴服是為  
柏翳生大廉大廉四世孫仲衍鳥身人言為帝太戊  
御世有功以佐商國遂為諸侯仲衍四世孫仲湑生  
蜚廉蜚廉生季勝季勝生孟增孟增幸於周成王生  
衛父衛父生造父造父為穆王御日馳千里攻徐偃  
王大破之以功封趙城子孫氏焉其地河東永安縣  
是也造父已下六世至奄父號公仲為周宣王御脫  
王於千畝之戰奄父生叔帶叔帶以周幽王無道去

周仕晉文侯始建趙氏於晉國五世孫夙晉獻公戎御賜采邑於耿今河東皮氏縣耿鄉是也夙弟衰字

子餘

原按趙安仁歐陽修等皆云夙生共孟共孟生衰誤矣杜預注左傳曰趙衰者獻公戎御道夙

之弟今詳春秋閏公二年夙為戎御以滅耿僖公四年文公重耳奔蒲則夙為衰之兄明甚必夙謚共孟

衰謚成李也

驪姬之亂從公子重耳奔翟翟人伐廬咎如

得二女隗氏納諸重耳重耳以叔隗妻衰生盾衰從重耳亡於外十九年遂得晉國立為晉文公文公以衰為原大夫升為上卿任以國政又以女妻衰生原

叔同屏季拈樓季嬰齊衰卒謚成子國人并字與謚  
稱之謂之成季子盾嗣盾字孟嗣父為卿謚宣子盾  
卒子朔嗣朔娶晉成公女生武朔卒謚莊子屠岸賈  
之難朔客公孫杵臼及其友程嬰得朔遺腹子匿之  
既長從其母姬氏育於公宮其後晉景公疾卜之曰  
大業之後不遂者為祟以問韓厥厥知趙孤在乃曰  
大業之後在晉絕其祀者其趙氏乎成季之勲宣孟  
之忠而亡其後為善者其懼矣景公乃立趙武而反

其田邑武平公時為正卿有令名以主諸侯諸侯不敢名而字之曰趙孟趙孟卒謚文子文子生景子成成生簡子鞅鞅生襄子無卹襄子之子獻侯浣始以周天子命與韓魏三分晉地恭侯卒子成侯種立成侯卒子肅侯立肅侯子武靈王生惠文王何惠文王生孝成王丹孝成王生悼襄王偃偃生幽繆王遷遷八年秦併六國趙人立遷兄嘉為代王後降于秦秦使嘉子公輔主西戎西戎懷之號曰趙王世居隴西天



水西縣至漢京兆尹廣漢之後居涿郡代踰千祀而僖  
祖皇帝生焉臣聞之太史氏曰僖祖立道肇基積德  
起功懿文憲武睿和至孝皇帝生於涿長於燕歷永  
清文安幽都三縣令生順祖惠元皇帝累官兼御史  
中丞贈右驍衛將軍實生翼祖簡恭睿德皇帝厯營  
薊涿三郡刺史生宣祖昭武睿聖皇帝贈太尉宣祖  
五子長邕王光濟次太祖皇帝次太宗皇帝次秦王  
廷美次夔王光贊太祖啟運立極英武睿文神德聖

功至明大孝皇帝二子長魏懿王德昭次楚康惠王  
德芳生名連惟字惟字生名連從字及守字從字守  
字生名連世字世字生名連令字令字生名連子字  
子字生名連伯字伯字生名連師字師字生名連希  
字太宗至仁應道神功聖德文武睿烈大明廣孝皇  
帝九子長漢恭獻王元佐次昭成太子元僖次真宗  
皇帝次魯恭靖王元份次陳文惠王元傑次韓恭懿  
王元偓次蔡恭惠王元偁次吳恭肅王元儼次代國

公元億魯恭靖王後封商王生濮安懿王安懿王生  
舒王宗懿康王宗樸昌王宗晟懷王宗暉樊王宗輔  
建王宗蓋信王宗治蕭王宗博彭王宗袞崇王宗瑗  
襄王宗愈袁王宗勝景王宗漢陳韓蔡吳代五王生  
名連允字允字生名連宗字宗字生名連仲字仲字  
生名連士字士字生名連不字不字生名連善字善  
字生名連汝字汝字生名連崇字秦悼王廷美十子  
曰高密郡王德恭字復禮廣平郡王德隆字日新穎

川郡王德彝字可久廣陵王德雍保平軍節度使德  
鈞字子正忠正軍節度使德欽字丕從金城侯德潤  
字溫玉申王德文姑臧侯德愿字公謹武昌軍節度  
使德存字安世十子生名連承字承字生名連克字  
克字生名連叔字叔字生名連之字之字生名連公  
字公字生名連彥字彥字生名連夫字真宗膺符稽  
古成功讓德文明武定章聖元孝皇帝六子曰溫王  
禔次悼獻太子祐次仁宗皇帝次昌王祗次信王祉

次欽王祈仁宗體天法道極功全哲神文聖武睿德  
明孝皇帝四子周懷靖王昉後封襲王唐悼穆王昕  
後封豫王燕悼懿王曦後封鄂王次英宗皇帝英宗  
體乾膺厯隆功盛德憲文肅武睿神宣孝皇帝六子  
長神宗皇帝次潤王顥次嘉王顥次益王次岐王顥  
次吳王顥五王生名連孝字孝字生名連安字安字  
生名連居字居字生名連卿字神宗體元顯道法古  
立憲帝德王功英文烈武欽聖仁孝皇帝十四子曰

成王侑惠王僅唐王俊襄王伸冀王儻哲宗皇帝次  
豫王侂徐王侑陳王必沂王偉次徽宗皇帝次燕王  
俱楚王似越王偲哲宗憲元繼道世德揚功欽文睿  
武齊聖昭孝皇帝一子越王茂冊贈太子徽宗聖文  
仁德顯孝皇帝子長孝慈淵聖皇帝次衮王擢鄆王  
楷荆王楫肅王樞景王杞濟王栩益王棫次欽宗皇  
帝次邠王材祁王模莘王植儀王撲徐王扶沂王櫟  
定王拱和王榛信王拭漢王椿安康郡王握廣陵郡

王捷陳王機相國公挺建康郡王瑛嘉國公倚溫國  
公棟涇王攄儀國公桐昌國公柄原王縱餘未出閣  
扶風趙氏出自天水漢中大夫禹之後徙焉 河  
間趙氏與涿郡同出漢京兆尹廣漢支孫居潁州徙  
河東蠡吾縣又徙河間 酒泉趙氏其先因官于酒  
泉者自天水徙焉隋武侯將軍才即其後 隴西天  
水趙氏公輔十二世孫融字長後漢右扶風大鴻臚  
七世孫瑤後魏河北太守瑤曾孫乾贊仕隋為幽州

刺史陽武公生元極唐忻州刺史元及生仁本相高  
宗二子誼司僕少卿諫左羽林將軍誼生道先蒲州  
錄事參軍道先生憬字退翁相德宗憬四子宣亮全  
亮元亮承亮天水之族又有賓生英特英特生叔文  
三世為忠武軍牙將叔文生犇昶珣保陳州抗巢賊  
有功兄弟繼為忠武軍節度使犇同平章事贈太尉  
昶亦贈太尉珣贈侍中犇二子麓梁列卿霖梁駙馬  
都尉祖庸使戶部尚書珣子穀梁宣徽北院使新



安趙氏後徙京兆奉天向樂令德暉生景旦普安令  
景旦生唐城平令濯然濯然生植字道茂嶺南節度  
使檢校工部尚書謚簡生下邳尉公儀及遵約仁約  
存約從約滂存約興元節度判官二子隱字大隱相  
懿僖二宗鵬字元錫華州刺史隱三子光逢字延吉  
唐太常卿梁司徒平章事光裔相後唐莊宗光嗣南  
漢劉龔宰相光逢生熙字績臣梁諫議大夫光裔二  
子損益損二子承遜承讜鵬生光遠從約二子蒙蘊

蒙生昌齡滂字思齊三子峻字義山崇字為山御史大夫太子少保岫字德山 燉煌趙氏又曰張掖趙氏其先自天水徙居隋鷹揚府郎將子遷生監察御史武蓋武蓋生彥昭字貞然相唐中宗 金城趙氏中山曲陽趙氏南陽穰縣趙氏長平趙氏汲郡趙氏皆與天水同祖 華陰趙氏五代江陵縣丞溥生孺秘書省正字孺生居晦居晦生瑩字元暉晉宰相二子易則易從易則晉刑部郎中 蔡州趙氏唐末淮

安王德禪生凝及明德譔凝皆為襄州節度使明字  
贊堯荆南留後奔王建為工部尚書以清白著名後  
漢蜀郡太守趙溫別部司馬趙瑾越騎校尉趙代漢  
陽太守趙博武威太守趙冲及子義陽亭侯愷並見  
西域羌傳酒泉龐涓母趙名娥復父讐州郡表其閭  
犍為盛道妻同郡趙氏女字瑗姜西魏八柱國家一  
曰趙賁又賜清河公趙肅姓乙弗隋初復舊孫宏智  
事唐

蟯

古無蟯氏出於蟯牛之後而鄭公孫董字子蟯考其  
世在蟯固前恐固乃董孫以字為氏

小王

晉大夫小王桃甲之後邵氏以小為少誤矣

擾龍

元和姓纂曰劉累之後漢有侍御史擾龍羣又擾龍

宗為侍御史詣董卓白事不解劔卓搃殺之

趙陽

潛夫論衛公族有趙陽氏公子趙陽之後也

三十一巧

佼

後漢劉永傳更始拜西防賊帥佼彊為橫行將軍注  
曰佼音絞又曰周原伯佼之後見蓋延傳

絞

元和姓纂曰左傳有絞國在隨唐之南以國為氏

鮑

出自妣姓夏諸侯國子孫氏焉裔孫叔牙相齊桓公  
名顯諸侯謚曰共曾孫牽曰鮑莊子國曰鮑文子國  
孫鮑牧皆齊卿牧之家臣曰差車鮑點其族仕晉者  
曰鮑癸漢元光七年鮑敞問雨雹及陰陽事於董仲  
舒見西京雜記其後鮑氏居東海剡縣鮑宣生永永  
生昱三世為司隸校尉宣不屈王莽而死光武嘗令  
貴戚斂手以避二鮑即永也

鮑俎

代北複姓



